

Uc  
9020





~~C7456~~

Uc 9020

Biblioteka Jagiellońska



stdr0015400

Uc 9020



PANEGYRICVS  
INVICTISSIMO  
POLONIÆ ET SVECIÆ  
REGI  
VLADISLAO IV.  
MOSCOVITICO  
VILNAM VRBEM  
DEBELLEATIS HOSTIBVS,  
RECUPERATIS PROVINCIIS,  
PACÉ CONSTITUTA,  
INGREDIENTI.

PER  
STANISLAVM FLORIANVM OBRYSKI  
*In Almâ Vilnensi Academiâ Societ: IESV Philosophiæ  
Auditorem, totius Academiæ nomine*

Dedicatus.

ANNO M. DC. XXXIV.

VILNÆ Formis Academiæ Societatis IESV Anno 1634.



Res gerere, & victos ostendere Ci-  
uibus Hostes,  
Attingit solium Iouis, & cælestia  
tentat.

*Horatii Ep. 17.*

Pax optima rerum,  
Quas homini nouisse datum est:  
Pax vna Triumphis  
Innumeris potior: Pax custodire  
salutem,  
Et Ciues æquare potens. — — —

*Silius lib. 12.*



VHs 1185419

## PANEGYRICVS.

**T**riumphales hi, & Tuis Victoriis concolores di-  
es, qui te nuper consecratum Regem, tuorū ocu-  
lus ereptum, Victorem restitunt, REX INVI-  
CTISSIME, in eum felicitatis tue splendorē omnes conspi-  
rāunt, ut non vota modo de te Principū Terrarumq̃ probet  
copiosius, sed uberiūs quoq̃ explicent vniuersam glorie vim  
ac potestatem, quam Nomine polliceris. Nam tamen si pro-  
sperrimo animos omnium antea iam expleueris successu,  
latissima tamen hac multumq̃ expetita tempora, quæ Te,  
debellatis Hostibus, reducem excipiunt, pulcherrimæ Tue  
Fortune ampliūs loquuntur magnitudinem. Te enim  
ipsum tuis ostendunt Terris inuictum Moschouie Domito-  
rem, rebus gestis ac Victorijs clarum, recens parato Tri-  
umpho conspicuum, qualem prudenti anticipatione futu-  
rum sciebamus. Intelligimus iam, augustam corporis  
Tui speciem, & bellicam in Martio vultu Maiestatem,  
quendam quasi tacitum Tue Virtutis Oratorem nobis cir-  
cumferri. Animaduertimus oculis hanc nostris conces-  
sam felicitatis prerogatiuam, ut in presente legamus  
quandam rerum à Te gestarum perfectionem, quæ verba  
ad sui commendationem non possit apud nos inuenire.  
Quemadmodum enim quedam Virtutum argutie ac nota  
in vultibus emicant, quas feliciter quidem ingenia picto-  
rum peruident, non vtiq̃ pari dexteritate ac lenocinio in  
tabulam transferre possunt; ita diserta laudatio non per-  
inde magnificam explicat glorie formam, quæ in exteriori  
Victoris Principis specie efflorescit. Sola hoc habet ma-  
gnorum effectrix Mens operum, ut suo se, ex rerum digni-  
tate, promere possit in publicum apparatus. Felices itaq̃  
merito à posteris existimabimur, quibus Tu ipse Tuarum  
interpres Victoriarum contigisti. Neq̃ tamen infelices  
idcirco illi à nobis appellandi, cum minora audient, quam  
geris. Scient enim non liuorem obesse Fame, ne ex rerum  
pretio



pretio loquatur, sed facultatem. Et compensabunt aestimatione, ac stupore, quo magna coluntur, quidquid facundia assequi non potest. Quod magis mihi ignoscendum esse animaduerto, cum maiore voto, quam splendore verborum tuas laudes aggredior; Et hoc in defensionem asserere non possum, quo ceteri dictionis moderationem commendant. Laborant in eo plerique maxime, ne in laudibus percensendis sint nimij, Et exiguum consciam meritum verecundiam, ambitiosa sermonis pompam vulnere; ideoque dicendi copiam ad Principum modestiam submitunt; me vero Regij tui labores amplissimi adeo Maiestate sua ac Lumine perturbant, ut verendum mihi sit, ne dum eloquentiam cogo ad Laudes, obsequium tenuitate Orationis corrumppam. Et quidem, si omnia mihi commemoranda essent, quae Parenti Tuo, inuicto ac indomito Heroi in solatium gessisti, quantus mihi dicendi campus aperiretur? quam impar humeris operum moles incumberet? Cuius hoc demum esset facultatis, per immensa terrarum spatia, vestigijs Virtutum Tuarum inspicendis insistere? Spectare Romam, supremam illam Nationum arcem, quam magnus Hospes impleuisti: castra Ducis nostrae aetate celeberrimi Spinole admirari, in quibus artis Tuae militaris singulare specumen posuisti, Et ostendisti, candore Ducis inuitatus, quid in magnis ingenijs, Et absoluto munitioham situ corrigere possis? Borysthenem adire, ad cuius ripas vniuersa Moschorum Barbaries Tuis genibus affusa seruitutem iurauit, cum libertatem dares? Quam mihi facundiam, rerum gestarum felicitate aspirarent, vel earundem magnitudine eriperent campi, Tyram ultra late porrecti, qui Tuos sudores, Et Asiae penitus totius sanguinem a Tua manu hauerunt? cum Osmanus Orientis totius Imperator, Tuo Numini victima cecidit, Et capite deposito Virtutem caesus adorauit, quam viuis timebat? Ea vero, quae domi in Luce Patrie egisti, infinita plane

ta plane cum sint, atque innumera, meam mihi obrudunt infantiam. Quis enim singula vel hac breuitate percurreret, prudentiae, roboris, felicitatis Tuae monumenta? Vota Gentium, Regni huius estimare, quae Te sceptris admouerunt, Et lugenti adhuc Purpuram ac Coronam iniecerunt, quam difficile atque arduum est? Quis gloriae miracula citato Orationis cursu persequatur, Et se non subito in primo dicendi limine referat in gradum, si intueatur, non socias tantam Et federatas terras, sed hostes quoque in unam, eamque rectam Tuorum factorum venerationem conspirasse? An enim Tibi inuictus in Triumphum Gustauus vitam non posuit, Et fictam scenico nomine exiit Sueciam, ne integer potentiae Tuae titulus, in consortio dignitatis, aliena mendacia haberet? Tuae fortitudini Barbarus seruiuit Moschus, cum sacrosanctam palabundus calcavit federis religionem, Et per funesta in arces finitimas peritura conscendit. Vel hoc ipso satis amplum militaris Tuae peritiae ac roboris dedit testimonium, qui melioribus diffusus consilijs, praeuenire potius fraude, ac scelere, voluit, quam in aduersum vires suas experimentum differre. Tunc funestum in vicinas ceruices ac terras ferrum intulit, cum Te liberae Polonorum Manus Regali auro occupabant. Quid vero ad tam infaustum nuncium subito non moliebaris! Distulisses, si per Te steteret, decus sceptri, ut clauam erigeres, nisi subditorum desideria, aureum Te prius, sibi quae amabilem in Regali Maiestate, quam ferreum hosti, difficile in bellico puluere admirari maluissent. Quoties optasti longa Comitiorum spatia breuiori cursu praeterire, consilia in angustum cogere, securitatem in fines deferre, ad omnes honoris primi fructum destinare? Audiebas immanem hostium furorem, Nationum diuersarum delectu varium ingenio subdolum, perfidia celebrem, numero militum Et armorum opulentum, sedere ad Smolenscum, fossis circuire, continuo ligatis du-



Et in castris stringere. Intelligebas subterraneis dolis turres subruui, eijci puluere nitrato muros, agi vineas, scalas admoueri, parua arcis immensa praesidia perpetuis laboribus ac vigilijs fatigari. Tanta periculorum mole prorsus concidisset magnorum animus Imperatorum, Tuus assurrexit, & Te Regno huic celsitudo concessum probauit, ut pulcherrimam rebus afflictis ac dubijs fortunam porrigeres praesens, absens mitteres. Incredibile enim, & ad aurum illecebras confectum videretur, tam ingens Prouincia propugnaculum a paucis contra frequentes Hostium legiones seruatum, nisi Tua auspicia nossamus. Tuae felicitatis erat opus, quod starent mania, ruerent Aduersarij, milites sola tui aduentus expectatione viuentes, corporum atq; animorum vigorem retinerent. Ita postquam aduersis ac bellorum tempestate fluctuantem Rempub: tractare cepisti, ijs quoque spes salutis affulsit certissima, qui ne auram quidem ducebant liberam, nisi quam Hostes suae fiduciae victoriae, & terroribus imbutam transmississent: Et verò, cum Te in Patriae gremio detineret multa undiq; impendens necessitas, & prima subditorum preces, quibus tuae consulebant dignitati, amoris inuitamentum non tulisti. Mouerunt Te calamitates miserorum, quarum sensus maior Te tangit, postquam singulos cum Sceptro in manus, cum Coronâ in cogitationes admisisti. Didiceras ab Aureo Pomo, quod in solenni datur inauguratione, ad Te pertinuisse, ut Tuae Fortune premium ac dulcedo ad omnes perueniret. Summis ergo itineribus properasti, ut securitate praesentis pericula dissipares: nec sic tamen absens, cum abesses. Sustinuit interea tuos successus Vicariae Tuae imperterrite fortitudinis Mens, quae Tuam praesentiam ubiq; circumtulit, Quod magis autem Barbari agere praedas, & in vicina euagari prohibebantur, eo pertinacius, in illo militari otio, Arcis Principis excidium agitabant, In hoc fortissimum munimentum, adducta-

rum

rum versutia Nationum incumberebat, innumera sudabant opere, omnium pendebant animi: ignari, quod tuis rebus militarent. Nam postquam in hac campestris meditationis opera, & validissima difficultatum erectarum artificia semel hostis decidisti, subito nudati propugnaculis montes, tuum tibi Smolenscum retexere. Anni penè totius laborem dies una ita sustulit, ut via undiq; laterum starent aperte, neq; tot anfractus vallorum, & tumuli lorice emunitutem amplius praeberent stationem. In una omnes cesserunt castra soli, omnia se portare secum rati, quod pedes ad corpora auerenda superessent. Hoc quoque Clementiae tuae debent, quod cum calo transegeris, ne Victoriam sanguine Hostium cruentares. Ostendisti eam Te pietate esse, ut ad vincendi securitatem voluntate tantum opus habeas: eam prudentia, ut dispersos sub unum extremae sortis ictum colligere possis. Neq; verò haec Diuinae opis benignitas in otium cecidit Tuum, & fidem conatu ac occupatione militari absolutam. Non supplicibus eam duntaxat in partes tuas aduocasti palmis, sed ferro etiam inuitasti. Illa enim multum pretij habent vota, quae, quod petunt, faciunt. Exordia pugnandi, quae precum ardor promouet, pro consummatione, Victoria Superi metuntur. Quauquam etiam ita praesens in ipso praelij feruore Tibi aderat Numen, cum late sterneres Hostes, & erectas adires per cadauera moles, ut militum gladij iam in ipsis aduersariorum castris triumpharent. Perfecisses ignee alacritatis constantia, Tuarum virium impetum, nisi manus ad placandos rebellibus Diuos transtulisses. Prope ipsa tibi displicebat Victoria, quod pessime obstinati, bene oblatam salutem impetrare nollent. Quia tamen seruare volebas, idcirco, cum memoria grassantis in ceruicibus cedis, somnum non permetteret fessis, & alacres nihilominus ad fugam faceret, Tuis votis debent. Nox obscura & illunis erat, cum relictis abirent impedimentis; & sidera ipsa

B



ra ipsa cælo profuga testabantur palam, quod violati fe-  
 deris conuincerent fugientes. Suspensis ac cautis vestigiis  
 Sehinum versus lentè viam periclitabantur, & sic tamen  
 properabant, neq̃ tuam fallebant vigilantiam, ante quam  
 omnia dilucescunt. In errorem dari potuissent, nisi ad v-  
 num fortitudinis tue experimentum vniuersos pergere  
 maluisses. Dies sequentes causam insoliti timoris, faci-  
 em castrorum, rerum copiam sub aspectum posuere.  
 Quis hic letitiam militum explicet, quorum periculis pie-  
 tas tua consuluit, ut in opulentam prædam otiosi veni-  
 rent? Gloriam tuam vocemultuosâ differebat Exerci-  
 tus, & in vrbes publice hilaritatis decus porrigebatur. Ce-  
 lebant alij Martiam illam Julij Cesaris celeritatem  
 in Te gloriosius effulsiſſe, cui ignote prioribus seculis ma-  
 chine moras vincendi non facerent. Mirabantur impedi-  
 ta aggeribus loca, implicata fossis, ereis infessa tubis, ar-  
 mis instrata, tuo conatui facile patuisse, & quod paucis  
 contigit ante Te Imperatoribus, vniuersos perijsse vno  
 vincente. Alij amicam cum Deo consuetudinem effere-  
 bant, quod expiare Tuarum fines prouinciarum sacrilegio  
 Hostium posses, & speratus alienis Castris succedere ha-  
 bitator. Talibus fremebant cohortes præconijs, & nemo  
 erat, cui vtrices Furie, quæ perduelles æstro eiecerunt,  
 non elicerent futuri exitus auguria. Distrabebatur in-  
 terea diues penu in omnes. Ferrearum acerui pitarum,  
 bellica ad usum supellex, turules baliste in publicum re-  
 ferebantur. Cum plurima ceteros recrearent, Tu ad tu-  
 os, quos diuturna obsidio afflixerat, quorum armis, vita,  
 animis inuolutum constitit Smolenscum, concessisti. Et  
 verò magnum ac verum Principum ornamentum sunt ser-  
 uati Ciues. Hos morti eripere, reddere Patriæ, clarissi-  
 mas inter semper habitum Coronas. Quidni ergo & illi  
 cui amenitate vultus ac successu excitati, quasi ad vi-  
 tam è ruderibus exsiliarent? cur se non effunderent in po-  
 meria

meria, ut Tuâ præsentia maxime Arcis vastitas implere-  
 tur. Tum primum periculorum voluptas in gestus corpo-  
 ris emicuit, & signa letitiæ, quam gustata rummarum  
 patientia commouerat, in indicem frontis serenitatem  
 exierunt. Menia ipsa, quæ assidua pugandi contuma-  
 cia solo equauerat, ad Tanti Hospitis aduentum surgere  
 videbantur, & in Muralem coire Taniam, ut in agro  
 Vindictæ suum atq̃ Patronum coronarent ambitu. Æ-  
 reæ machine, quæ furibundo assueuerant fragori ac cedi-  
 bus, in gratulabundos explicuere vim clamores, & letitiâ  
 conspirantibus in plausum flammis accendebant. Viri  
 gratulæ eras, & quia REX venisti, & quia Liberator. Illi  
 de Te vires assiduitate operis fractas reparabant, & iam  
 se recipiebant, quia Te viderunt. Tu in illis amasti ma-  
 didam, & apud posteros estimandam animi magnitudi-  
 nem, quæ seruitutem, in illa arcta obsidione horrebat, &  
 ingenui semper, quia Tui iuris erat. Inuicta pectora,  
 quæ Sparte murum fecissetis, & circum nudas Thebas gene-  
 rosius ad virilem tubarum vocem surrexissetis quàm ru-  
 pes post Amphionis Lyram reptauerunt. Vos illibatus  
 Libere Gentis sanguis Numantinam reddidistis Orbi in  
 exemplam virtutem. Tamen immoto stetistis contra pe-  
 ricula semper gradu, ut oculos vestros & vocem sustinere,  
 plenû opus fuerit alex & terroris. Eam inuicem suscepistis  
 viuendi legem, ne vnum superstitem haberet immanitas,  
 quæ seruitute violaret. Nomina pactiõis, federis, pacis,  
 tam ignota vobis erant, ut in obliuionē abiisse videretur.  
 Hoc itaq̃ fortitudinis prodigio effecistis, ut & immortali-  
 tas res vestras præclare gestas receperit intra gloriam, &  
 Regia Liberalitas præmijs honorauerit amplissimis. Plura  
 licet, quàm optabatis, acceperitis, ipse tamen magnani-  
 mus Princeps, munus erat præstantissimum. Ut enim il-  
 lum aliquando reciperetis, viuere voluistis. Quidquid  
 aliud in mercedem venit, ipsius erat authoramentum gra-  
 tia &



te, & signum rei expetite. Te igitur conuenio REX  
Inuictissime, qui postquam milites spolijs, obsessos Tua  
aduentu ac Victoria refecisti, nihil aliud mente agitabas,  
quàm ut fortunam prosequerere. Commodum autem ceci-  
derit, ut bellum in compendium mitteretur. Exercitus  
tantus, quantus summis stipendijs domi & foris, maria  
ultra, & per alienas querebatur Ditiones, in cumulo iam  
erat. In punctum omnes unum transuere, & fecerant  
virium summam. Sic quoque futuri difficiles, quod & a ter-  
go uniuerſa iaceret Moschouia in subsidium, & ipsi a  
fronte imminerent. At exercitus, quem ducebas, ut vi-  
ac animo valido & inconcussio anteibat, ita numero erat  
exiguus, & comparisonem in censu non admittebat.  
Quid hic aliud gereres, quàm quod posteri suspiciant,  
& ante Te non legerunt? Ratus e vicinam rem agendam  
esse, & in ultimum conatum recentes vires intendendas,  
Moschouiam inter, & latissima Hostium castra, Exercitum  
minorem, neque sic tamen totum posuisti. Milites deinde  
in latera explicari, montes insidere, erigi munitiones. Tan-  
ta hec in opus ibant celeritate, ut obsidio prius steterit,  
quàm sentiretur. Quis hoc tandem, in consilium afferre  
sine temeritatis vitio auderet, quod cum summa pruden-  
tia ex arcanis militie preceptis peregisti? Certè tantum  
ingenij & audacie, scriptorum assentatio, cui quidlibet  
comminisci promptum est, non habuit, ut literarum monu-  
mentis illigaret, quod fecisti. Imperatoribus Parentes  
dabant e celo, imputabant immortalitatem, diuinam af-  
fingebant conditionem: hoc addere non potuerunt, ne ali-  
quando inter fabulas esset, quod Virtus Tua in lucem debu-  
it eniti statim verum. Trito illi calle incedant, qui alieno  
se regunt successu, & ad veterum exempla, velut infantes  
ad fulera appositi, gradus primos tentant. Tu operum  
tantum iam Orbi dedisti, ut Te possis imitari. Circumfu-  
sa olim Tuis castris Asia, pluribus cohortibus prope, quam  
viros

viros sub signis numerabas, circum Te excubabat. Vires  
non Ottomanici Imperij, sed humani generis videri pate-  
rant. Si cum se in terrarum libertate esse putarent, tene-  
bantur. Abire non poterant, nisi rogassent. Quod si le-  
gem a Te accipere ingentia variarum Gentium nomina,  
quid aduersi hic ommareris, ubi urgebas? Robur Mo-  
schouie circumstabas; sed ipsam obsedisse putabaris, qua  
tam longo ad apparatus dato spatio, lacertos in subsidium  
mouere non poterat. Partem, in quam sanguis ac vigor  
omnis fluxerat, pressisti; quid nisi torpor viribus, velut mē-  
bris, incumberet? Vocem quoque in aures obsessorum ex-  
tendere non poterant. Si que mittebatur, languore suo  
peribat, aut a Tuis intercepta intelligebatur. Hoc effece-  
ras, ut in alieno aere vacillantes, sua non haberent allo-  
quia. Silebat uniuerſum Imperium, ut Tu loquerere.  
Terra nihil illis dabat amplius, quàm quod mortuis solet.  
Fossas illi vocabant sepulchra erant, tam incerta hospi-  
tium, & Tuis addicta nutibus, ut eiectione infidos, & par-  
ricidis equales facile viderentur. Eiecerunt postea, cum  
magnitudo sceleris maturuit, & colorem sepulcorum in-  
duerunt. Sed ad hec veniam iterum, cum prius Tuos in  
hostico progressus fuero contemplatus. Nam postquam  
iam densis omnia firmasti munitionibus & propugnaculis,  
partem exercitus in Moschouiam destinasti, ut circa re-  
liquorum Matrem oppidorum luctaretur. Fama rerum  
gestarum precesserat, & omnia trepidabant, quasi mili-  
tum manus sciret. Aedes deserte, Lares patrij relictī,  
omnia aperta, nouos illecebrā annone ac opum inuitabant  
hospites. Colligebantur ad torius seditionis caput plurimi,  
& sui stipatione formidinem densabant. Plerosque tam in-  
tenta rapuit fuga, quasi extra Solem armis querendi es-  
sent. Ceteri, qui fiduciam rebus suis fingebant, finitimis  
carceribus magis, quàm arcibus sese includebant, ne stra-  
gem sentirent, an ne viderent? omnia enim sic luctuosum  
faciebant



faciebant spectaculum, ut oculi bellorum incendio grassante ac fumo irritati sponte lacrymarentur. Quidquid virium erat in hoste, circa precordia imaginarij Ducis palpitabat; nec fas erat ad leuandos miseros, tantumq animam trabentes excurrere. Quidquid relictum fuisset, pro alieno haberi poterat. Proximis itaq strage ingenti correptis, contagio quaedam mali in extremis finibus sentiebatur. Tu hac inter, Sebinum, qui opulento inuitata aut decepta impendio, variarum Gentium robora secum habebat, virum iam militandi veterem, retinebas. Quis centrum esse, quod insederat, Tuis militaribus in circularem lineam evolutis copijs credidisset, nisi duxisset religioni, ordinem ac situm turbare motu? Ista egebat quiete etas profligata annis, ingenio pertinaci. Reliquisti spatium, quo vastus experiri periculum poterat exercitus, et pectoribus viam querere. Otium maluit, et prelijs circa nidum ludere, quam bello moliri libertatem. Sciebat enim Tuae Virtutis conscius, ibi quoq iter obstructum esse, ubi munimenta nulla starent, sed Tu esse poteras. Cogitatio hac in hoste prudens fugam dissuasit, ne dubio fortuna passu in cadem pergeret: retinuit a publico maximarum duello terrarum, ne citius semel periret, quam optabat. Amplissimum verò fortitudinis Tuae testimonium erat, quod quem forti militum cinctu strinxeras, ad prelia, quoties vellet, solueres. Et quidem laborabat ille, conflictibus milites suos euentilare, ne oria languor virium et rabies sequeretur; sed cum videret densam stragem, grauius malum, incurri, consilio super sedit. Intelligebat diuerticulis his pugnandi et desultoria militiâ, tempus cum clade duci, non exitum parari. Querendi itaq erant, et ad moris viribus et subterraneis lustris eruendi. Saepius propè sunt armis laceffiti, quam territi, et, quod solum ad arctissimam deerat adhuc obsidionem, hostiles portæ caforum mole corporum claudebantur. Ita pro Te iacebant mortui,

qui

qui contra Te viui stabant. Vidiſſes non ſemel expugnatos omnes, niſi temporis ratio pro Te certare incepiſſet. Brumalis horror, infeſtus niuibꝫ turbo, gelu intractabile, terre rigor, cruda tempeſtates hoſtem preſſere. Celum Tibi militabat, coniurata in auxilium elementa aduerſarios terris proſcribebant. Nam ut Tuorum alacritati nihil aſperum eſſet, a Te uno omnes calebant: illi tremuli, frigore dubium, an metu? malè tecti, ad paucos focos, in quibus ignis, veluti ſacer, ad uſum bellicum vigilabat, habebant. Conſuetudo tamen celi fecit, ut dura mens contra inſanam æris intemperiem proteruè obniteretur. Et glacie, et niuibꝫ, et Marpeſijs propè ſunt effoſſi cautibus, et iniurias ferre non didicerunt, ſed ſciunt. Quemadmodum tamen aqua frigore concreta biat, et rumpitur nimia hyemis aſperitate, et ponderis impatiens late ſtridet: ita diuturnitas malorum aſſiduitatem tolerandi maiore ſenſu afflixit. Caduis prohibebantur ſyluis, aberant fomenta gelu peruſtis: et inde morbi ac funera. In Tuis Caſtris è contra verna quaſi ridebat hilaritas. Vigor corporum, flos virium, anxii pugna ardentes faciem temporis mutauerunt. Quis enim tam impoſ ſui fuiſſet, quem tua ad ferendum non accendat: ſſet conſtantia? Quis non arſiſſet a frigore, quod ſponte in exemplum admittebas? Iniuria celi, quæ in te cadebant, admirabili clementiâ agebant in milites, et, quaſi ab attractu naturam depoſuiſſent, inflammabant. Ignea mens niuibꝫ alebatur, feruebat a proximo latere ferrum, et alior ille Septentrionis ingens, rabieſq ventorum, animum rigore non edomabat. Et deſuiſſet ſanè incitamentum laudis, ſa talis calamitatum ſcopulus, tuus aſpectus ita fuit incitandi potens, ut Themistoeli Milciades, Hercules Theſeo. Et hic tamen gloriæ ſtimulus abeſſe Te præſente non poterat, qui omnia in immortalitatis curam conuertis, et eripis languori, in quem ex vicino agis. Arx amena et Re-



galibus instructa commodis, hospitium ostendebat tranquillum; inuitabat, ut aestiua ab hybernis distingueres, aliquid etiam solitis detraberes laboribus. Sed tam incitatus inerat animo feruor, ut in illo horrendo tempestatis habitu, delicatam fouere nolueris cogitationem. Quia Te oblectabat exercitus frigore adstrictus, cum anhelitu circum ora concreto, & solutis de super in niues nubibus canesceret, iam non tantum ad Patriæ salutem, sed ad imitandi quoque voluptatem, patientiæ de Te exhibebas spectaculum. Eant nunc, qui cumulatissimum Principum munus asserunt, Cōsilia & Imperium, duas quasi manus, quibus Regna seruantur vel vindicantur. Te Virtus prope inter Commilitones habet. Ipse facis quod iubes, non iussurus, nisi tibi gerendi imposuisses necessitatem. Ceteros addixisti operibus certis perficiendis, secreuisti dignitates officijs, ætates ac merita immunitatibus: vnus discrimen nosse noluit, peregisti omnia. Bellicorum munerum Compendium ac Summa dici potes. Illustris es Imperio & Labores & partes Fortune confudisti. Legiones etiam cum admiratione spectant terre regionem, quæ à tuo ingenio pulcherrimam Castrorum accepit speciem & pugne locum; arbores, quæ quiescentem senserunt, montes quos excubitor obequitabas, aut invadebas pugnator: ijsque sudorum Tuorum vestigijs ad bellicas laudes commouentur. Nemo in posterum ignauus ac degener terris illis insistet, quæ à Tuo excellenti studio genium quendam hauserunt fortitudinis. Eijciet profanos locus Tuam virtute consecratus. Antiochia id, nescio quâ Dei lege habet, ut Mahometis Sectatores diu inter viuos non sinat: cur à magno Hospite Seueria parem non acceperit felicitatem? In te itaque refero, REX Inuictissime, quod ad tuum aduentum hostes terris excedere ceperunt. Pugna primum infelices, metus deinde, afflixerunt omnes. Accessit fames & latere omnes sequaci corripuit contagione, effecitque, ut nemo suam

suam vitam optare potuerit, qui Tuam Victoriâ simul non esuriret. Qui cadebant, sibi imputabant, quod eandem Tecum terram calcarent. Nouerat aer suum Principem, & singulari sese impendebat omnibus discrimine, ut Tui vitam ducerent, illi haurirent mortem. Eiecta ab usu hominum stomachis ingerebant, feles, canes, & quidquid horremus; & discebant in symbolo fidelitatis, quod rodebant, penam perfidiæ. Atque ita magnum tædis compendium dextris tuorum euenit, cum Aduersarij in suorum cadaueribus tumultandis fatigarentur, quos Ultio in ipso sceleris loco oppressit. Multa hic mihi dicenda essent dictu tristia, ad quæ subeunda coegisti contumaces, si liceret Triumphales Tuas aures rebus funestioribus diu tenere. Latum illud potius ac ingens tuæ gloriæ monumentum commemorabo, quod plurimis prelijs, cædibus frequentibus perfeceris, ut hostibus placeres. Qui enim rebus suis melius consultum voluerunt, sese castris suis eripiebant, accedebant Tuis. Sua tibi vulnera vendebant, tanquam corporibus eorum tui gladij incidissent illecebram transfundendi, & primam Sacramenti reuerentiam. Jam cohortibus immixti, nouum susceperunt certamen, ut Victoribus sedulitate pugnandi coequerentur, & quibus artibus hostes erant, amici sint. Hec est Imperatoris Inuicti gloria, quoddam in animos gerere Imperium. Nam qui corpora vinculis, aut carcere obligata tenent, in cogitationes nihil iuris habent, liberas, fræni nescias, sui & rerum Dominas. Qui mentem nobilissimam hominis partem, attraxere in obsequium, diuinam imitantur potestatem. Effecisti itaque rem omnibus posteris memorandam, cum iidem, qui te metuebant, diligunt. Ceteros in latebris, ac teterrimo malorum ergastulo Fortuna retinuit, ut pereundi maturitas cumulo afflictorum aucta properaret. Erant enim iam clara illius undique argumenta. Bello multa inepta corpora, languor virium, lue inducta tentoria. Tormenta

D

quan-



quandoq; horrendam mugiebant, esse adhuc qui viueret. Ferrea verò pile innoxia circum corpora ictu cadebant, quasi ad hoc mitterentur, ut futuri dominij rigorem obsequio, ac reuerenti allapsu praeuenirent. Rapidissimum interim properantis necessitatis cursum frequenti incurfione inuisti. Nudatum propugnatoribus vallum, turbata caese, excursiones impedita. Globi creberrimè emissi, aut in fossa parentabant latentibus, aut parentia certis ictibus in vias castrorum effundebant corpora. Habebant, quo viuerent, si auxissent barbariem. Cum ita omnia cedibus miscerentur, & miles assidua circum Castra penderet opere, moriendi pertinacia inundatione sanguinis intepuit. Coëgisti inferis deuotos, ut viuere mallerent. Itaq; precibus, ac frontibus in terram ruentibus, velut si impudentiam violare religionis damnarent, ruentum tuarum Victoriarum successum ad Clementiam reuocarunt. Eius te nouerant indolis, ut Victor Animorum dici gloriosius censes. Inciderunt in mite pectus, & votis facile cedere. Donasti vitam, quam eripere poteras. Indulxisti fortissimis tuorum dexteris, ut iacentes spectarent, quos gladijs non deposuerunt. Et hoc ipsum Victoria latitiam auxit, quod tuorum pericula nolueris. Hac arte integram Tibi addixisti Gloriam. Conseruare victos, ita Tuum est, ut, quod omnes vita munus acceperant, a Te uno dari potuerit. Ex omnibus animi ornamenti feligunt ceteri Principes certa laudum praesidia, quibus sua facta vulgo eximant: & ne ex singulis pauca admodum delibasse videantur, in unius haerent incremento. Qui omnium concentu iuent per ora hominum, pauci existerè omnino. Quemadmodum enim diuinè propè, & non humane mentis est opus, blandam amantissimarum virtutum faciem, rigore ceterarum non effetare: ita difficile est, sic in uno apparere singulas, ut in communi omnium commercio, quibusdam praclaris effulgentibus, aliae non obscurentur. Tibi haec praclarissima

rissima gloriæ concordia contigit, ut nullum in umbres alterius boni confinio splendorem. Fortis es & mitis; constans & exorabilis; terres & allicis; eadem manu pacem in patria foues, bellum in hosticum exportasti; gladio cepisti hostes, clementiâ conseruasti. Omnia tam conspicua sunt, & victis admiranda, ut dum ad pondus, & primam partium ambitionem Virtutes Tuas vocare non possunt, omnes ex a quo predicent. Laudant Te animi ac virium plenum, immotum, imperterritum, quoties vincis: benignum ac facilem, postquam vicisti. His generosa mentis instrumentis Tuus magis successus inclaruit. Nam ferro cauta sepe eripit fuga trepidos, fallunt persequentis diligentiam latebræ, vis animo resumpta vincentes moratur. Clementia verò ita certa est Victoris, ut, quem gladius preterit, illa vincendum suscipiat. Fuere aliquando, qui, ut non Victori, sed necessitati se cecidisse ostenderent, dedere posthumam è vultibus tabidis proteruiam, & viuentem in ipsa morte iram reliquere: ferali hoc habitu testati, hostes se ad inferos ire. Credebant se pleni triumphi solatium erepturos, si vltima fata exciperent à fauore, & contumaci vultu adhuc aspectum sauciarent. Et licet hac non voluntate cadentis aestimanda sint, sed eius, qui gloria sua litat: pulcherrimum tamen habetur felicitatis integræ testimonium, si ab omni parte beata sit Victoria, & non mascula tantum strage, sed parsimonia quoq; sanguinis commendetur. Histu, REX Inuictissime, iuisti in gloriam itineribus. Ita enim paratus es numero & apparatu instructum hostilem Exercitum, ut magnam suscepis excidendam ferro multitudinem, quæ suo flagitio induruerat: non pauciores autem dimiseris, qui beneficio euadere Tuo cladem maluere. O Tuam non fortitudinem magis, quam benignitatem predicandam! Pectus roboris conscientia firmum, & plenum pietate in afflictos effudisti, ne eos calamitate extremâ conficeres, qui, nisi per te viueret,



viuere non possent. Acceperunt leges, quas in Patriâ suâ seruaret, & liberi essent, ex genio legitimi Principis, a seruitute ceteris obsequendi. Hoc enim uerò singulare fuit tue prudentie miraculum, cum eâ rem deduxisti, ut è præscripto tuo, Sacrilegæ Reipublicæ obsequelam negarent. Oneratos etiam armis abire uolueris, ualidos potius quam milites, ut referrent ad suos damnatæ penam audaciæ. Nam cum uti non possent, ita tulere conditionem, quasi manus præciderentur. Et sic quoque clemens eras ac mali prouidus, ne incumberent dolori, quoties ferrum inutile ad latus hærens, aut humeris innixum, Victoriâ exprobraret. Egregie autem fecisti, ut abeuntes non solum armis alligares ad erroris sui penitentiam, sed potissimam quoque partem deriperes. Ad Triumphum enim uictoris Tui perinebat humanitatem potentiâ commendare, & ostendere, quod, quæ dedisti indulgenter, negare potuisti. Tantum autem in potestatem redactam est æris ac ferri, ut estimare non possint, qui uiderunt. Hostium certe est iudicium, quod ex tera ingenia in damna terrarum acutere, satis fuisse militaria Arci diruenda, extorquenda Prouinciæ Regnis undâ ruinâ inuoluendis. Non improbabant fiduciam, qui singula conspexere. In ter plurimas molis admiranda machinas, oblongi sunt tubi quidam, & æqualiter teretes, quorum ambitus ab una parte, ad sustinendum primum erumpentis ignis impetum, grossior in prodigiosam longitudinem excurrit. Prioribus temporibus nascentis adhuc, & in consuetudinem euntis operis usus erat perquam rarus, nunc licet ubique terrarum non infrequens habeatur, magnitudo tamen hic adeo auxit admirationem, ut nisi essent, exire in opus non posse viderentur. Nomina ipsa immane quid strepunt, & quasi iam audirentur, fulmineum in uocabulis explicant horrorem. Quid memorem ea, quæ uel in longum, ad maius spatium superandum, extensa iacent bellica tormenta, uel in arctiorem formam contracta ca-

paciore

paciore hiatus sursum aperiuntur, ut in sublime globos aliaque obturamenta flammis eluctantibus, noceant? Præterea reliqua anearum fistularum portenta, & quidquid magni Imperij opes, in usum belli annis multis effuderunt. Tui gratiâ tantum videntur consecuta pondus, ut grauati ferrent, si reducerentur. Tibi iam accendunt sublucente flammâ noctes in triumphum, in plausum mugiunt, in perniciem hostium tonitrua ac cælestes minas emulantur. Neque enim decet, ut sileant Victoriâ, quam cum sensu quodam excepere: aut perfidiam ictibus non exprobrent, cui inuitè ancillabantur, aut cum multo non excutiant impulsu sinibus terrarum Barbaros, cum obsequijs Tuis accesserint. Et opportune hic ego in eorum incidi memoriam, cum ad apicem brumalis Tui laboris, obsidionisque consumationem mea festinat Oratio. Iucundius enim est, & ad gloriæ Tuæ maiestatem augustius, spectare ipsas potius Legiones supplexes, & carcere, quem æternâ erexerant obstinatione, prodentes. Istant illæ ex funestâ suarum calamitatum sede, uelut ab inferis extractæ, nesciæ quid agerent potius, gauderentne, quod in uitam renascerentur? an quererentur, quod oculos magna luci non assuetos, in publicum Victoris Principis, atque spectantium Procerum theatrum essent exposituræ? Lucta profecto animorum, si quæ unquam, extitit grauissima, & colores variorum affectuum indices in vultu confligebant, nunc hilaritate campum occupante, nunc pudore instabili metus suos uelut in aciem explicante. Horam ignominie fatalem præceperant cogitatione, ludibria polluti fœderis, vultus letos partium, longum per hostium oculos iter. Ad maciem & vultum, ut dicunt, Hippocraticum, cui diuturna obsidio supremum pene uitæ diem impresserat, accessit Caudina pactiōis memoria, aut similitudo, extrema erumnarum appendix. Reuertasset illa prope postliminio ad famem, nisi uinere & Victorem cogitassent. Tanta enim est Tuarum estimatio ac gloria Victoriarum

E



Et oriarum, ut pretium habeant, quæ à Tua manu veniunt calamitates. Vulnerum suorum negligens est, quisquis in Tuum gladium, Orbis domitorem, animo declinavit. Ple-riq; Umbris erant similes; ad illorum tamen vicem, qui læta marentes simulant, parem festo aspectum plausui accepe-re, ne triumphalibus oculis horrorem spectandum infer-rent. Vniuersi porrò in ordines digesti certos, ad Augu-sta usq; Regiæ Tuae Maiestatis genua, infestos inter vultu, Et triumphum spirantes ibant, lucis fastidium superabant, eundinecessitate, formam omnis luctus extemporali leti-tiâ tegebant. Vexilla, quæ super capita Hostium fulsere, sub pedes Tuos sternebantur, quod malè in perfidiam duxissent. Referrî tamen iussa, postquam Victoriâ senserunt, Et fiducia sub plantis contraxerunt veniendi in manus. Vi-distî tunc REX Potentissime, tot illius terra Palatinos, Duces, Proceres, Et omnium antesignanum Sebinum ad tuos nutus procidisse, frontem rupto iureiurando, atritam ad inferos propè detulisse, pectus sceleris conscium ex mo-re gentis, sacrilegij, commonuisse. Fuit quoq; sub risu, iugum, Signum ac Nomen Viri, qui sicte dignitatis scenam diu iam in voce referebat; cum interim omnes ingentem pudoris molem ex alto animo cicerent, tanquam ferret tam ceruice pedes. Quid hic aliud facerent nobilissimi terra-rum Ciues tuarum, quàm letitiâ in cælum irent, felicem exitum gratularentur, de futuris victorijs Numen com-pellarent. Quem boni huius communitio non afficeret, si res vite inopes, spiritum gestiendi à Te acceperunt? An e-nim tempora, quæ, ut hostem prelijs fractum, morâ pen-tus comminuerent, rigorem quendam Martium admise-runt, ad Tuum successum eadem hilaritate non plaudunt, quâ precipitem liberali cede fugam antea risere? Borysthe-nem ipsum insolenti meatu feracem Boreale constrinxerat gelu, quasi eo fine, ut eunte in duritiem aqua subsisteret, dum consumacia vincendi subsideret, in hostibus. Idcirco quam-

quamprimum deditionem sensit, velut si letitia glaciem laxaret, aluci impatiens in cornua excessit, nuncias Tuae Vi-ctoriæ aquas terris ac mari infusus. Ibit porrò optatis-sima hæc belli prosperitas in ora posterorum, terrorem Nomi-nis Tui per Regna circumfret, Victoriâ promulgabit. Serpent hæc Laureæ in immortalitatem, in novos pullula-bunt Triumphos, id Deo agente, ut Regni Tui æuum per palmas eat, Et nunquam nisi Inuictus aud. as. Pulcher-rima eius rei iam suspeximus argumenta. Quid enim est recens hæc Tuae gubernationis ætas, quàm continuus quidam Victoriarum textus? Pauci tot laudibus longos Im-perij finiuerunt annos, ut Tu primum cepisti. Dies aqua-uerunt felices pugna; numero preliorum stant paria Tro-phæa. Aspexisti ereptas Barbaris Aquilas, captiuos abdu-ctos, excisas ciuitates. Cum Moscos persequeris, Turcas Scy-thasq; fusos accepisti. Torrens quidam Fortune Tibi demo-litur Gentes, properat Victoriâ. Virtus Tua magnorum operum molitrix, cui iam vices omnes ambigue sortis obse-cundare docuisti, omnia Tibi subijcit. Illa Te ex intimo sinu pacis Et folij complexu, ad pacandos limites, abripit semper atq; impellit. Illa non consilijs modò optimis, sed armis quoq; in aduersas partes detonat. Illa post Castra nuper ademptâ, postremam Belli totiꝝ procellam in uniuersam effudit Moscouiam. Nimirum hic est inoffensus ve-ra gloriæ cursus, Et diuinitatis cuiusdam continuus vigor, perpetuo ferri ad magna motu, rem inclinatam in præceps urgere. Hostem armat, suum quisquis ferrum breui silen-tio companionit. Cunctatio alienas erigit ruinas, Et violentiores suscitât tempestates. Vt enim corpora, quæ diuturna agitauit aegritudo, quiete conualescunt, ita inquietâ bel-lis æstibus Terræ, ad robur sese pristinum morâ pacis re-cipiunt. Ille itaq; omnes boni Imperatoris partes abun-dè peregit, qui eodem impetu infirmas consuevit vires, quæ incolumnes ac vegetas lacerauit. Annibal ceterâ magnam suis



suis laudibus asperit labem; quod Victor hesitatione perire soleret, ijs clade sua vincentibus, qui cecidissent. Cum Cannensem Victoriam superet, amisit Italiam. Magnus ceteris erat dotibus, & iudicio potissimum in estimationem militaris rei intento. Fuisse ille auctor horum dicendorum arbiter Imperatorum, Te profecto magnos inter Heroes primum celebrasset, in quo omnia eminent bellice scientie ornamenta. Non enim satis esse iudicavisti amplitudini peccatoris Tui tanta sedere in Victoria. Secutus es animum Tuum, cui omnia se fata impendunt. Transcendisti constantissime attritum belli limen, fluentibus campis minime retardatus, qui, cadente hyeme, palustri funites ceno vestigia euntium admittebant. Nihil erat toto itinere tractu lubricum, in quo tua fortitudo nutaret: nihil difficile, quod ardor militum non extingeret. Sequebantur generosi animi, mentem corpora, robusta, solida, levia, una hoc merta, quod adhuc properarent. Alia tanta exibat celeritas, quantam cogitatione conceperant. Neque sic tamen lenta fuit profectio, quae subitum hostibus attonitis, & maximarum rerum expectatione pendentibus terrorem praeiussit, & cum perfecta fuisset, miscuit cadibus. Hic demum ad me loci video constitutum, ut verba rebus gestis non possem paria reperire. Haec est misera Oratorum conditio, quod meritis crescentibus nequeant pariter attollere dictionem. Semagnitudo operis estimanda est, repit omnis facundia, quantumvis altissimo gloriatur fastigio. Quid igitur mirum, si cum ad exitum propero Tux in Mosconia felicitatis, ipse quid potius, & qua ratione disseram, subdubitem. Miror velocitatem, quod plurima eodem tempore munitiones temporis belli exceperint, agri populationem, oppida vastitatem, tota hostilis Regio metum ac trepidationem? an successum, quod trophaeis rerum impleris, signa saepius oblata calcaveris, Victorias numeraveris praelijs, supplices conspexeris. Procures, qui pro  
cursum

cursum armorum deprecabantur? an verò immortalem Tuae prudentiae gloriam, ac animi magnitudinem, quod ita paci ineunda impenderis alloquia, ne otium bello interveniret. Videbas, iam belli esse optimam festinationem, quae consilia factis promoueret, & urgeret victorij discordes sensus ad exitum. Multos temperata spe & federis simulatione disceptatio, plane harentes in causa, ostendentesque consopivit. Habent hoc ignavia inductarum moris, ut, tum velut fascino, consabulatione motum armorum intercipiunt, non hostes modo diuturnitate reparatos, quasi subitum fulmen, nil tale opinantibus obijciant, sed languore etiam victrices copias atterant. Attentus igitur semper ac vigil, ne lenitas improvisam parturiret audaciam, & iusta irae placamenta in perfidiam revoluerentur, hostilia manu regebas consilia. Et erat hoc grande momentum, non modo iuris debito possessionem eripere, sed Victorij quoque dubitantes cogere. Nihil enim volebas, quod ferro extorquere non posses: eo discrimine, quod facultatis maior semper apud Te sit latitudo, quam cupiditatis. Nam moderatio, & plenus Te ipso animus metam ponit desiderijs: at verò fortitudo, & generosa magnifica mentis inductio, ne Orbe quidem hoc definitur. Ista cogitatio Hostes serio ac rigido Tuae potestatis examine sollicitos evertit. Infractum Tuum animum per successus ferri, cum diu multumque spectarent, auctoritati Tuae cedere maluerunt, & iustitiae partes inire, quam nudis certare odijs. Quid Tuae Fortune negarent, quam facis? Cur varijs diu fluctuarent sententijs, aduersus quos districtam in manibus habes felicitatem? Ereptam quocirca reposuerunt Severiam, terrarum spatij amplissimam, civitatum copiam opulentam, crebris instructam arcibus, ut de Tuo obsequium facerent potius, quam obstinatis pectoribus ruinam augerent. Oppresserint licet facunditatem illius, direptiones frequentes, & pugnantium decursus, longè tamen fertilissima videtur, post-  
F quam



quam gladijs exculta pacem protulit florentissimam. Pulcherrima est ubertas, cum Terra, quas ferro putasti, hostili rigasti cruore, victricibus plantis exculcasti, crescunt in decus Regni, & perennem incolis securitatem germinant. Existimauere Antiqui Numen quoddam eo nomine maximè beatum, quod ambulantis vestigia facili incremento flores, quasi pedibus plantati, sequerentur. Quid ad hanc dicerent prosperitatem, cum progressus Tui explicantur in palmas, efflorescunt in coronas, funduntur in trophea, & latissimas terras Triumphis, velut Lauris, constas, ceteris adijciunt provincijs? Pulchrum profectò ac memorabile facinus. Quis enim sperare potuit Severiam, quæ prioribus temporibus per breuia raptabatur fadera, & alternis discerpebatur viribus, perpetuâ lege firmari potuisse atq; retineri? Vota ad hanc expectationem, & tam remota Fiducia aram deerant. SIGISMUNDVS Pater Tuus eam Hostibus etiam eripuit; sed spem, quâ unâ calamitates solamur, reliquit. Protulit eius possessione limites; sed securitatem non addidit perpetuam. Damnavit ius, quod iniquis armis fecerant; sed quoties vellent, potuit agi de nouo causa, & bellici strepitu fori tentari successus. At Tu eò rem deduxisti, ut, & desperationem eius iurauerint, & de non repetendâ legem rulerint. Magnificum erat, illam Barbaris eripere; quid quandam addere quasi eternitatem? Gloriosum occupatam presidijs retinere; quid concordia excubijs? Propulsare pericula armis, illustre atq; speciosum; quid toge ostentatione? Fragturi quietiq; viuent incolæ, apud quos ne metus quidem atq; amittendi formido remansit. Recreabuntur pacis quadam quasi immortalitate, exactæ tranquillitatis imaginem venerabuntur, nihil, quod respectandum sit sibi ac posteris, pertimescent, securi Diuorum puluinaria frequentabunt, quorum ope Tua stetit felicitas. Omnes Te Rege beatos ducent dies, & totam scient secundarum rerum ferre prosperitatem.

tem. O magnum optatissimo fundatorem pacis! O publicæ quietis Patronum, & Instauratorem Patriæ! O magnificum opus, quod inter innumeras gestientium populorum, manus feretur ad vitam semper, & eripi laudationi non poterit, quod solers oculis gratitudo perpetim exhibebit. Quid hac esse potest Victoriâ gloriosius, in qua, singulari temperamento, iusta ira, & mansuetudo vincit ac triumphat, quæ occupatam Prouinciâ subditis, latissimum Mosconie Imperium quietis Vicinis impleuit? Merito itaq; Fama veris rumoribus secunda, Tuam ubiq; euulgat gloriam, vocibus in Scythicas usq; ac Gothicas urbes resonantibus, & mentes Hostium tristes lætâ confundentibus imagine felicitatis. Hæc enim est Tuae Virtutis magnitudo, ut ibi Te ponere possit, quod nuncium Tuorum successuum pramisit. I Fortunatissime Regum, quod Tua Te fortitudo optimis probata semper auspicijs ac euentu, quod Iura Regnorum, & publica salutis vocat necessitas. Nescit quiescere tam festinata vincendi maturitas, quæ unius anni flexu portentosas afflixit vires, euerit conatus, terras ademit. Quid mora non efficiet, si facilis ac expedita, belli celeritas, omnia ad veteres Reipublicæ leges, auctoritate armorum ac imperio reuocauit? Deiecisti iam Aquilas, quas audacia & roboris æstimatio alto volatu in sublime extulisti; quid superest, nisi ut Ottomanicum calces Cælum, & Lunam exeso lumine mutilam, ad deliquium sui compellas? Ut leges vagis feras Scythias, quas domi seruent? Tuis illi relictæ sunt viribus, ut, quod nemo hucusq; prestitit, optauere tamen omnes, Tuas terras ignorent, dediscant in finitimis municipijs ferro grassari, liberam gentem opprimere seruitute. Tuae decumani hi malorum fluctus, & inundatio Prædonum reprimenda debetur fortitudini. Tandem subitis lacerata excursionibus Prouinciæ, quibus gens moribus incondita sæpè, velut quodam dilunio, stragem



gem superfundit. Te Dactore sese recipiant. Neq enim  
sine causa, violatis faderibus, Thraces tota bellimole assur-  
gunt, nisi ut virtutis tua fulmen habeat, in quorum per-  
cussis corporibus perennem fundet securitatem. Haec a Te  
expectant, & quasi iam possiderent, letantur Fortunata  
illa terra, quas noster aut Hostilis sanguis circumfusus pro-  
pe Insulas effecit. Ita & nos vouemus, quorquor a Tuis  
successibus pendemus, Victorijs vinimus,



Triumphis recreamur.



*Historia Palen.*  
*b) specialis*



